



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

Broj: 01/14-02-708/25-1
Sarajevo, 02.04.2025. godine

**PREDSTAVNIČKOM DOMU
PARLAMENTA FEDERACIJE BiH**

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 02-04-2025

Org. jed.	Broj	Priloga	Vrijednost

Dana 02.04.2025. godine održana je 31. sjednica Odbora za ekonomsku i finansijsku politiku Predstavničkog doma Parlamenta Federacije BiH (u daljem tekstu: Odbor). Sjednici Odbora prisustvovao je dovoljan broj članova Odbora, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

DNEVNI RED

1. Prijedlog Zakona o izmjenama i dopunama Zakona o doprinosima – skraćeni postupak,
2. Odluka o izdvajanju sredstava u Fond solidarnosti Federacije Bosne i Hercegovine za 2025. godinu,
3. Inicijativa za izmjenu Zakona o unutrašnjoj trgovini, koju je pokrenulo Gradsko vijeće Grada Tuzla, a na inicijativu iNovine d.o.o Sarajevo, broj: 01-02-349/25, od dana 31.01.2025. godine,
4. Inicijativa za izmjenu Zakona o visini stope zatezne kamate na javne prihode, koju je pokrenuo Marijan Marjanović, zastupnik u Predstavničkom domu Parlamenta Federacije BiH, broj: 01-02-413/25, od dana 06.02.2025. godine,
5. Urgencija za Izmjenu Zakona o doprinosima i Zakona o porezu na dohodak, koju je pokrenulo Vijeće stranih investitora u BiH,
6. Poziv na reformu fiskalnog sistema u FBiH, koji su uputili Američka trgovačka komora u BiH (AmCham BiH), Vijeće stranih investitora u BiH (FIC), Predstavništva njemačke privrede u BiH (AHK BiH), Udruženja poslodavaca FBiH i Vanjskotrgovinske komore BiH,
7. Inicijativa za izmjenu člana 18. (radno vrijeme) Zakona o unutrašnjoj trgovini, koju je pokrenulo dioničko društvo "Margos – Veletrgovina" d.d. Sarajevo
8. Zahtjev za hitnim i sveobuhvatnim reformama u oblasti fiskalnog sektora i tržišta kapitala, koju je pokrenuo NGG Zenica Ustaje,
9. Zahtjevi više kantona za uključivanje predškolskih ustanova u odredbe sufinansiranja/ subvencioniranja uredbom Vlade Federacije BiH,
10. Upoznavanje sa informacijom o dobijanju licence World Trade Center (WTC) Sarajevo, a koju je u parlamentarnu proceduru uputio Edin Sefo, direktor Management Development Consulting Sarajevo,
11. Tekuća pitanja.



Na osnovu člana 44. a u vezi sa članom 69. Poslovnika Predstavničkog doma Parlamenta Federacije BiH ("Službene novine Federacije BiH", br. 69/07, 02/08, 26/20 i 13/24), Odbor podnosi sljedeći:

IZVJEŠTAJ

Ad-1 Prijedlog Zakona o izmjenama i dopunama Zakona o doprinosima – skraćeni postupak

Uvodno izlaganje dala je predstavница Federalnog ministarstva finansija, nakon čega je Odbor obavio diskusiju i pristupio glasanju, te sa 6 glasova **za** i 1 **suzdržanim** donio sljedeće zaključke:

1. Odbor podržava dostavljeni Prijedlog Zakona o izmjenama i dopunama Zakona o doprinosima po skraćenom postupku i predlaže da ide u daljnju parlamentarnu proceduru i
2. Odbor predlaže Vladi Federacije BiH da hitno krene u sveobuhvatnu reformu fiskalnog sistema u Federaciji BiH.

Ad-2 Odluka o izdvajanju sredstava u Fond solidarnosti Federacije Bosne i Hercegovine za 2025. godinu

Uvodno izlaganje dala je gđa. Vlatka Martinović – direktorica Federalnog zavoda zdravstvenog osiguranja i reosiguranja Federacije BiH, nakon čega je Odbor primio k znanju Odluku o izdvajanju sredstava u Fond solidarnosti Federacije Bosne i Hercegovine za 2025. godinu.

Ad-3 Inicijativa za izmjenu Zakona o unutrašnjoj trgovini, koju je pokrenulo Gradsko vijeće Grada Tuzla, a na inicijativu iNovine d.o.o Sarajevo, broj: 01-02-349/25, od dana 31.01.2025. godine

Na sjednici Odbora nije bilo prisutnog podnosioca Inicijative, tako da je Odbor zauzeo stav da će dostavljenu Inicijativu razmotriti kada na sjednici Odbora bude prisutan podnosilac Inicijative u skladu sa članom 51. Poslovnika Predstavničkog doma.

Ad-4 Inicijativa za izmjenu Zakona o visini stope zatezne kamate na javne prihode, koju je pokrenuo Marijan Marjanović, zastupnik u Predstavničkom domu Parlamenta Federacije BiH, broj: 01-02-413/25, od dana 06.02.2025. godine



Na sjednici Odbora nije bilo prisutnog podnosioca Inicijative, tako da je Odbor zauzeo stav da će dostavljenu Inicijativu razmotriti kada na sjednici Odbora bude prisutan podnosilac Inicijative u skladu sa članom 51. Poslovnika Predstavničkog doma.

Ad-5 Urgencija za Izmjenu Zakona o doprinosima i Zakona o porezu na dohodak, koju je pokrenulo Vijeće stranih investitora u BiH

Odbor je razmotrio dostavljenu Urgenciju za Izmjenu Zakona o doprinosima i Zakona o porezu na dohodak, koju je pokrenulo Vijeće stranih investitora u BiH i jednoglasno donio sljedeći:

ZAKLJUČAK

Odbor podržava Urgenciju za Izmjenu Zakona o doprinosima i Zakona o porezu na dohodak, koju je pokrenulo Vijeće stranih investitora u BiH i traži od Vlade Federacije BiH da hitno krene u sveobuhvatnu reformu fiskalnog sistema u Federaciji BiH.

Ad-6 Poziv na reformu fiskalnog sistema u FBiH, koji su uputili Američka trgovačka komora u BiH (AmCham BiH), Vijeće stranih investitora u BiH (FIC), Predstavništva njemačke privrede u BiH (AHK BiH), Udruženja poslodavaca FBiH i Vanjskotrgovinske komore BiH

Odbor je saslušao izlaganje prisutnih predstavnika Udruženja poslodavaca FBiH i Vanjskotrgovinske komore BiH koji su u parlamentarnu proceduru uputili Poziv na reformu fiskalnog sistema u FBiH, te jednoglasno donio sljedeći:

ZAKLJUČAK

Odbor podržava Poziv na reformu fiskalnog sistema u FBiH, koji su uputili Američka trgovačka komora u BiH (AmCham BiH), Vijeće stranih investitora u BiH (FIC), Predstavništva njemačke privrede u BiH (AHK BiH), Udruženja poslodavaca FBiH i Vanjskotrgovinske komore BiH i traži od Vlade Federacije BiH da hitno krene u sveobuhvatnu reformu fiskalnog sistema u Federaciji BiH.

Ad-7 Inicijativa za izmjenu člana 18. (radno vrijeme) Zakona o unutrašnjoj trgovini, koju je pokrenulo dioničko društvo "Margos – Veletrgovina" d.d. Sarajevo



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

Uvodno izlaganje dala je gđa. Dijana Čopelj ispred „Magros – Veletrgovine“ d.d. Sarajevo i upoznala Odbor sa dostavljenom Inicijativom, nakon čega je Odbor obavio diskusiju i pristupio glasanju, te jednoglasno donio sljedeći:

ZAKLJUČAK

Odbor podržava Inicijativu za izmjenu člana 18. (radno vrijeme) Zakona o unutrašnjoj trgovini, koju je pokrenulo dioničko društvo “Margos – Veletrgovina” d.d. Sarajevo i traži od Vlade Federacije BiH da se shodno Zakonu o unutrašnjoj trgovini izjasni o navedenoj Inicijativi.

Ad-8 Zahtjev za hitnim i sveobuhvatnim reformama u oblasti fiskalnog sektora i tržišta kapitala, koju je pokrenuo NGG Zenica Ustaje

Uvodno izlaganje dao je predstavnik Udruženja poslodavaca, nakon čega je Odbor obavio diskusiju i jednoglasno donio sljedeći:

ZAKLJUČAK

Odbor podržava Zahtjev za hitnim i sveobuhvatnim reformama u oblasti fiskalnog sektora i tržišta kapitala, koju je pokrenuo NGG Zenica Ustaje i traži od Vlade Federacije BiH da hitno krene u sveobuhvatnu reformu fiskalnog sistema u Federaciji BiH.

Ad-9 Zahtjevi više kantona za uključivanje predškolskih ustanova u odredbe sufinansiranja/subvencioniranja uredbom Vlade Federacije BiH

Uvodno izlaganje dala je gđa. Adela Mehinagić ispred Udruženja poslodavaca Zenica i veoma detaljno upoznala Odbor sa dostavljenim zahtjevima više kantona za uključivanje privatnih predškolskih ustanova u odredbe sufinansiranja/subvencioniranja propisane Uredbom Vlade Federacije BiH. Odbor je obavio veoma konstruktivnu diskusiju tokom koje su pojedini članovi Odbora iznijeli svoje prijedloge, primjedbe i sugestije, te na kraju jednoglasno donio sljedeće zaključke:

ZAKLJUČAK 1

Odbor podržava zahtjeve za uključivanje privatnih predškolskih ustanova u odredbe sufinansiranja/subvencioniranja propisane Uredbom Vlade Federacije BiH.

ZAKLJUČAK 2



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

Odbor će u skladu sa poslovnичким procedurama uputiti zaključak prema rukovodstvu Predstavničkog doma Parlamenta Federacije BiH i tražiti od predsjedavajućeg Predstavničkog doma da se zaključak uvrsti kao tačka dnevnog reda na sljedećoj redovnoj sjednici Predstavničkog doma. Ovim zaključkom Odbor će tražiti od Predstavničkog doma da zaduži Vladu Federacije BiH da shodno Uredbi o mjerama finansijske pomoći privatnim poslodavcima, obrtima i ostalim samostalnim djelatnostima u Federaciji BiH u cilju održavanja postojećih radnih mjesta („Službene novine Federacije BiH“, br. 8/25) obuhvati i privatne predškolske ustanove u Federaciji BiH.

Ad-10

Uvodno izlaganje dao je gosp. Edin Sefo, direktor Management Development Consulting Sarajevo, nakon čega je Odbor jednoglasno donio sljedeći:

ZAKLJUČAK


Odbor je razmotrio i primio k znanju informaciju o dobijanju licence World Trade Center (WTC) Sarajevo, a koju je u parlamentarnu proceduru uputio Edin Sefo, direktor Management Development Consulting Sarajevo i jednoglasno dao punu podršku u radu i predložio direktoru da sklopi memorandum o saradnji sa Odborom.

Ad-Tekuća pitanja

Pod tekućim pitanjima gosp. Slaven Raguž – član Odbora je otvorio diskusiju u vezi organiziranja tematske sjednice „Izazovi i potencijali tržišta vrijednosnim papirima u Federaciji BiH“, nakon čega su članovi Odbora iznijeli svoje prijedloge i sugestije, te jednoglasno zauzeli stav da će Odbor za ekonomsku i finansijsku politiku Predstavničkog doma u saradnji sa Udruženjem poslodavaca Federacije BiH i ostalim relevantnim subjektima organizirati i realizirati tematsku sjednicu „Izazovi i potencijali tržišta vrijednosnim papirima u Federaciji BiH“ na dan 7. maja 2025. godine.

Za izvjestioca Odbora na sjednici Predstavničkog doma Parlamenta Federacije BiH, koji će razmatrati ove materijale, određen je Admir Čavalić, predsjednik Odbora za ekonomsku i finansijsku politiku.

PREDSJEDNIK ODBORA


Admir Čavalić